

881


H8.Yleh

QUESTIONES HOMERICAЕ










Digitized by the Internet Archive  
in 2012 with funding from  
University of Illinois Urbana-Champaign







# QUAESTIONES HOMERICAÆ.

---

## DISSERTATIO

INAUGURALIS PHILOLOGICA

QUAM

CONSENSU ET AUCTORITATE

AMPLISSIMI PHILOSOPHORUM ORDINIS

IN

ALMA LITTERARUM UNIVERSITATE

FRIDERICA GUILIELMA

AD

SUMMOS IN PHILOSOPHIA HONORES

RITE CAPESSENDOS

DIE III. M. JULII A. MDCCCLXXV

H. L. Q. S.

PVBlice DEFENDET

AUCTOR

CAROLUS LEHMANN

BRANDENBURGENSIS.

---

ADVERSARIJ ERUNT:

C. MICHAELIS, DR. PHIL.

C. ROTHE, STUD. PHIL.

E. SIEGFRIED, STUD. PHIL.

---

BEROLINI.

TYPIS GUSTAVI SCHADE (OTTO FRANCKE).

Linienstr. 158.

RECEIVED  
JULY 10 1885  
NEW YORK

INVESTIGATIONS

REPORT

ON THE

PROGRESS OF

THE

SCIENCE OF

THE

UNION

AND

THE

THE

THE

THE

THE

THE

THE

THE

THE

THE



**H**omeri carmina ex se ipsis interpretanda et recensenda esse primus Aristarchus intellexit; qui quantum quamque admirabilem operam in illis tractandis posuerit, neminem fugiet, qui vel per transennam huius viri studia inspexerit. tamen diu latuit Aristarchi doctrina; quaecum arti philologiae reddita esset, omnes viri doctiores consenserunt, sibi ab Aristarcho viam demonstratam esse, qua nobis propius ad veritatem accedere liceret poëtam istum tractantibus: itaque omnes, quorum studiis Homericis hodie fruimur, Aristarchum secuti hac ratione in Homeri carminibus versati sunt, ut et verba interpretantes et textum constituentes et rhapsodias genuinas quaerentes poëtam qualis nobis traditus est cogerent se ipsum et accusare et defendere. atque certe nunquam Homeri carmina explicare vel recensere vel restituere poterimus nisi ex ipso unoque Homero iudicia nostra rationesque hauriemus. nam et aequales nobis desunt poëtae, qui Homerum illustrare possint et Homeri verba ac sententiae adeo sui similia sunt, ut copia et materia qua in Homero tractando uti vel possumus vel debemus quasi sua sponte se nobis praebeat. hoc enim omnes consentiunt, sive complures aedos sive unum vel duos poëtas sibi persuaserunt

ista carmina composuisse, et Iliadis et Odysseae rhapsodias, quoad genuinae sint habendae, unius cuiusdam aetatis nota signatas esse uniusque ferre artis speciem: artis illius epicae, quae et in verbis et in sententiis componendis mores sequatur antiquitus traditos diuque inveteratos. ac profecto nisi Homerus ipse nos doceret, iam diu ante se exstitisse, qui carmina epica componerent, ipse versus herous, ipsa verborum et sententiarum, qualis apud Homerum invenitur, ars nobis persuaderent, Homerum non primum fabulas contexuisse sed ex antiqua arte canendi aptum pendere illaque regi. quaecum ita sint, recte viri Homerici videntur Homero uni in carminibus eius tractandis auscultasse. eademque via mihi quoque progredi visum est studia in Homero mea ponenti; at antequam ea, quae istis studiis effecisse mihi videor, proferam, duobus exemplis explicabo, quae Homeri tractandi ratio mihi displiceat atque demonstrabo, cur mihi ista non probetur; fortasse enim ex illis apparebit, qua quis ratione saniore in carminum illorum studia incumbere debeat.

### ARISTARCHUS

igitur reiecit lectionem, quam Zenodotus v. *B* 484 proposuit

*ἔσπετε νῦν μοι Μοῦσαι Ὀλυμπιάδες βαθρόλοποι*  
ponendam pro eis verbis quae tradita sunt: *Ὀλύμπια δώματ' ἔχουσαι* hanc ob causam, quod *βαθρόλοποις* Homerus barbaras tantum mulieres non Graecas nominaret. cf. schol. ad *B* 484. Σ 339. Ω 215. iam lectionem illam, quam Zenodotum nimis indulgentem suo



ingenio puto invenisse, non defendam; neque tamen Aristarchi causa, qua adductus est, ut Zenodoti lectionem repudiaret, mihi probatur, quamquam Lehrsio et Faesio (cf. Faesii adn. ad γ 154) probata est. nam primum quidem tria tantum exempla (Σ 122, 339. Ω 215) verbi quod est βαθύκολπος in Homeri carminibus inveniuntur. at si tesserarum prospero iactu ter frueris, num te putabis semper eadem fortuna gavisurum esse? minime quidem: contra si vicies tricies denique alea prospera uteris, tesseras ita fictas compositasque esse iudicabis, ut fieri non possit, ut res tibi mittenti male eveniat. non satis igitur iudicii ex illis tribus v. βαθύκολπος exemplis petere possumus, quo quid Homerus de hoc vocabulo senserit statuamus.

Praeterea v. βαθύκολπος ter quidem invenitur apud Homerum, at ter in Iliade neque usquam in Odyssea; iam vero et Aristarchum et Lehrsium et Faesium in quodvis pignus me vocare posse puto contendentem, Homerum in Iliade quotiescumque mulieres commemoret in quaternis versibus de barbaris loqui mulieribus, in quinto tantum quoque loco de Graecis. quaecum ita sint, quid mirum, quod tribus istis in versibus Homerus v. βαθύκολπος de feminis barbaris usurpavit?

Quaerendum denique puto fuisse Aristarcho vim istius vocis descripturo, quidnam interesset inter v. βαθύκολπος et v. βαθύζωνος: quem quaesivisse non tradunt scholia: nam si idem sonant haec vocabula, utrumque necesse est Homerum de eisdem feminis barbaris posuisse; sin vero dissimilia sunt, quaenam est



ista dissimilitudo, quae inter ea intercedat? Boeckhius igitur ad Pind. Ol. III v. 36 nihil interesse inter vb. βαθύκολπος et βαθύζωνος sibi persuasit: cuius iudicium neminem puto repudiaturum esse cogitantem, quomodo ista verba composita sint. neque a Boeckhii sententia abhorruit grammaticus quidam, cuius verba schol. Hom. ad γ 154 qui versus est:

κτῆμαί τ' ἐντιθέμεσθα βαθυζώνους τε γυναικας  
nobis servavit. adnotata igitur sunt ad h. l. haec:

βαθυζώνους τε γυναικας. τοῖς γὰρ ὑποδύταις αἱ βάρ-  
βαροι γυναικες μέχρι βάθους ἐπισύρουσαι χρῶνται. eun-  
dem igitur sonum subiecerunt et grammaticus iste et  
Boeckhius vv. βαθύζωνος et βαθύκολπος; grammati-  
cusque ex Aristarchi doctrina conclusit, neque βαθύ-  
κολπος neque βαθύζωνος de Graecis feminis ab Ho-  
mero poni potuisse atque re vera v. γ 154 Nestorem  
barbaras feminas βαθυζώνους apparet nominare. tamen  
erravit scholasticus ille; neglexit enim alterum locum,  
quo v. βαθύζωνος invenitur, I 594<sup>1)</sup> scilicet, qui ver-  
sus est:

---

<sup>1)</sup> quia neque ad h. v. Aristarchi ullum verbum neque in reliquis schol. ad Iliad. de verbo quod est βαθύζωνος invenitur, supra dixi, Aristarchum vv. βαθύζωνος et βαθύκολπος non com-  
parasse; quis enim est, qui dubitet quin Aristarchus si ista  
verba comparasset ad I 594, γ 154 de v. βαθύζωνος vi exposi-  
turus aut si nihil inter verba ista dissimile invenisset, a sen-  
tentia de v. βαθύκολπος statuta discessurus fuisset? quare suspi-  
cor, Aristarcheum quendam grammaticum magistri sui doctrina  
usum respexisse ad v. βαθύζωνος. et ille quidem viam logicam  
secutus est, at erravit, quia falsa erat propositio quam petivit  
ex Aristarchi horreis.

*τέκνα δέ τ' ἄλλοι ἄγουσι βαθυζώνους τε γυναῖκας.*

hoc vero versu Graecas mulieres notari inde apparet, quod Cleopatrae barbaras res afferre non licuit persuasurae marito, ut suam urbem Graecam servaret. iam vero, si *βαθυζῶνοι* potuerunt Graecae feminae nominari, quidni eadem *βαθύκολποι*? quae vocabula idem sonent.

Sed haec hactenus; restat, ut fructum ex eis quae dicta sunt capiamus. Aristarchus enim erravit, et quod ex paucis exemplis rationem quandam petivit, qua cum Homeri ingenium metiri vellet re vera non est mensus, sed coercuit et vinxit, et quod Homerum fecit hominem Graecum, qui posterorum modo barbaras gentes odisset. at neque in Homero talis superbia taleque barbarorum odium fuit quale in posteris neque ullum versum inveni, quo heroem quendam Graecum faciat Homerus Troium despicientem mores vel originem. *βάρβαροι* nusquam Troiani ab Homero nominati sunt, quamquam *βαρβαρόφωνοι* Cares v. *B* 867 nominantur (cf. Soph. El. 1002 *ὀρνίθων ἀκούω . . . κλάζοντας οἷστρον βεβαρβαρωμένῳ*) neque tamen ut mihi videtur cum vi despectus contemptionisque sono. idemque puto G. E. Lessingium virum illum omnium sapientissimum errasse, quod in libro qui Laocoon inscriptus est quandam diversitatem esse apud Homerum inter Graecos et Troes contendit. (de *I* v. 2 squ.) Faesium denique miror saepissime explicantem Homerum Graecorum partes sequi: at Homerus obiective ut ita dicam suas res narravit neque quod favere videtur rebus Graecorum ideo est putandus Troianos odisse; sed suo officio fungitur poëta,

quo suscepto res Graecas neque vero Troianas voluit describere.

Venio nunc ad alteram viri cuiusdam docti observationem, cui si similia inveneris (quae facile inveniri posse ex eis quae infra dicam apparebit) gravissima vulnera atque improbissima Homero poteris inferre.

### LAUERUS

enim in eo libro qui inscriptus est die geschichte der Homerischen poësie p. 301 contendit v. γ 177 qui est

*αἶ δὲ μάλ' ὦκα*

*ἰχθυόεντα κέλευθα διέδραμον, ἐς δὲ Γεραιστόν  
ἐννύχαια κατάγοντο*

esse delendum, quia vv. *κέλευθος* vel *κέλευθα* semper sint ab Homero in versuum finibus collocata. atque quadraginta fere exempla re vera habemus, quibus verbum illud versum concludat: arridet igitur quodam modo viri istius docti observatio: at a M. Sengebuschio in censura libri istius quae continetur Jahnii Annal. tom. 67. p. 249 reprehensa est, causis quidem non allatis, quibus Laueri observationis fundamentum everti posset, neque tamen iniuste.

Nam primum quidem nobis dubitantibus occurrit alter locus A 504 qui est

*οὐδ' ἄν πω χάζονιο κελεύθου δῖοι Ἀχαιοί*

in quo idem verbum non est positum in versus fine; quem versum affert quidem Lauerus, neque tamen tractat: at debuit tractare, si quidem nobis persuadere voluit, v. γ 177 esse delendum. tum quaerenda erat



causa atque ratio, cur Homero liberet v. *κέλευθος* nusquam mediis in versibus ponere: id quod maximum esse puto in talibus rebus observandis qualem Lauerus proposuit. cur enim v. *κέλευθος* vel *κέλευθα* ubique fere in versus fine est? an quia, id quod multis scio esse persuasum, vox ista est formula epica, quam servare et sequi Homerum notum est? at vocabulum est *κέλευθος* neque formula. an quia poëta illam vocem ornare voluit atque distinguere? minime quidem; sed quia Homerus verba amphibrevia (— — —) vel bacchiaca (— — —) in versus fine amat collocare propter dulcem syllabarum cadentium sonum. Bekkerus igitur in sched. Homer. I. p. 148 hunc morem Homeri tractat numeratque inter 611 vv. rhaps. *A* 270 vs., qui desinunt in trisyllabas voces, vss. 160, qui bisyllabum, vs. 97, qui quadrusyllabum, vss. 11 qui monosyllabum finem habent; similemque versuum condicionem invenit idem Bekkerus in rhaps. *I Σ ι δ ε*; ex eisque, quae ego collegi et computavi, haec addo: rhaps. *Ψ*, quae continet vss. 897, praebet 496 vss., quorum finis est amphibrevis vel bacchiacus; rhaps. *Ω* (804) 344, *α* (444) 196, *β* 434 (190), *γ* (497) 279, *ζ* (331) 150, *η* (347) 149, *θ* 586 (287). Homerus igitur amat valde exitum versuum amphibrevem vel bacchiacum; itaque formae trisyllabae v. *Ἀχαιός* (excepta igitur forma quae est *Ἀχαιοῖσιν*) per rhaps. *A* in vs. 41 inveniuntur, non in fine versuum tantum septem. atque reliquarum Iliadis rhapsodiarum ratio quam inveni de v. *Ἀχαιός* formis trisyllabis haec est: *B* 57: 12. *Γ* 30: 11. *Δ* 26: 10. *E* 16: 4. *Z* 15: 2. *H* 31: 5. *Θ* 14: 2. *I* 27: 2. *K* 17: 2.

*A* 25: 3. *M* 26: 4. *N* 33: 2. *Ξ* 14: 4. *O* 30: 5. *Π* 19: 4.  
*P* 23: 4. *Σ* 13: 0. *T* 17: 3. *Υ* 8: 4. *Φ* 6: 1. *X* 11: 0.  
*Ψ* 28: 1. *Ω* 22: 3<sup>1)</sup>). aliorum vocabulorum amphibrevium vel bacchiacorum quae ex Dammii lexico inspexi haec est ratio: ἀμολγός 5: 0. ἄποινα 20: 2. ἀρήγω 12: 1. θαμειός 9: 0. ἀπήνη 11: 0. ἀγνιά 11: 1. quibus expositis non dubito, quin, si quem neque tempus defecerit et satis aequum animum in talibus rebus computandis servare potuerit, similem condicionem reliquarum etiam vocum Homericarum quae amphibreves vel bacchiacae sunt inventurus sit.

Finem facere possum horum calculorum; timeo enim, nequis mihi irascatur tales res computanti: unum vero addam. in rhaps. *A* enim vss. 341 sunt, qui non habeant finem amphibrevem vel bacchiacum; ex his vero fere sexaginta tantum nobis occurrent legentibus, in quibus omnino inest vocabulum amphibreve vel bacchiacum, quod pro syllabarum ratione finem versus facere potuit: contra vss. 289 fere sunt, qui pro verborum quae in eis sunt mensura omnino finem quem dixi habere non potuerunt. quare et quae supra dixi computanti mihi et cogitanti, in quot versibus horum sexaginta poëtae licuerit non solum secundum syllabarum mensuram sed etiam secundum sententiarum rationem ac formam finem facere amphibrevem vel bacchiacum, mihi persuasi, Homero omnino versus in vocabula trisyllaba talia desinentes placuisse. deni-

---

<sup>1)</sup> secutus sum Dindorfii indicem quem vir ille doctus subiecit ed. Odyss. Teubnerianae.

que hoc etiam animadvertendum esse puto, istos versus, quorum finem v. *κέλευθος* non faciat, tamen in vocem amphibrevem vel bacchiacam desinere. sunt enim isti versus γ 177

*ἰχθυόενια κέλευθα διέδραμον, ἐς δὲ Γεραιστόν* et *A 504: οὐδ' ἄν πω χάζοντι κελεύθου δῖοι Ἀχαιοί.* cur igitur Lauerus ista verba in versus fine vult ponere Homerum? cui aliae voces quae eisdem syllabarum temporibus utantur promptae et paratae sunt.

Dixi de Lauero; nunc dicam de Lehrsii quadam observatione, quae ad eandem rem pertinet. Lachmannus enim in libro suo quem inscripsit *betrachtungen über Homers Ilias* postquam de duabus istis partibus, quae genuino rhaps. *A* carmini subiectae essent, exposuit, similem Lauero quandam observationem attulit, quam C. Lehrsium secum communicasse dicit. p. 7 igitur haec Lachmanni verba leguntur: eine bemerkung, die mir hr. Lehrs mitgetheilt hat, kommt mir hier sehr zu statten, dass ἀπηύρων ἀπηύρα und ähnliches sich sonst nur am ende der verse finde. iam apparet, multo modestius Lachmannum agere quam Lauerum: neque enim a Lehrsii observatione profectus est, cum genuinam rhaps. *A* partem quaereret, sed putavit, sententiam suam, quam de isto carmine exposuit, multis a partibus valde munitam hac quidem re adiuvari. tamen ex eis quae contra Lauerum attuli sequi puto ne Lehrsii quidem observationem istam, quamquam triginta fere quinque exemplis confirmari videtur, probandam<sup>1)</sup> esse, praesertim cum idem iste

<sup>1)</sup> Lachmanni vero verba quae sequuntur p. 7: aber die glei-



versus, cuius finem non tenet v. ἀπηύρων, tamen in vocem bacchiacam desinat; est enim vs. A 430: τήν δα βίη ἀέκοντος ἀπηύρων. αὐτιάδ' Ὀδυσσεύς . . .

Omnino igitur, si talium rerum legem quandam scribere voles, neque cum Lehrsio pones:

Homerus formas v. ἀπηύρα sim. in versuum finibus posuit, neque cum Lauero:

Homerus formas v. κέλευθος trisyllabas in versuum finibus posuit: sed haec erit ista lex:

Homerus nisi sententiae forma obstat versus in verba amphibrevia vel bacchiaca desinentes fingere solet; at vereor ne illud quod dixi nisi — obstat ad certam quandam normam deducere non possis.

Quoniam igitur et Lehrsii et Laueri observationes satis tractatas esse putamus, restat, ut quaeramus, quam re viri isti docti decepti sint; neglexisse enim mihi videntur, in talibus legibus quae sint in Homeri genere atque arte dicendi quaerendis imprimis rationem esse explicandam, unde ista lex orta sit quaque poëta adductus ista lege uti voluerit, utrum necessaria sit habenda necne, denique num quid poëtam impellere potuerit, ut istam legem, si quidem lex vera est, neglegeret.

Iam ad meas venio quaestiones: contra quas si quis talia, qualia ego contra Aristarchum et Lauerum et Lehrsium, afferet, mihi ipse irascar. tractabo autem

---

chen anfänge beider fortsetzungen sq. (nimirum vs. A 348 et 430) non tango neque reprehendo.

leges quae ad orationes apud Homerum quomodo poëta eas introduxerit et concluderit pertinent; alias quasdam observationes leviter attingam et quia vereor ne plurimis rebus opprimar et quia de multis quae mihi observasse videor nondum satis firme ac munite iudicare possum. officio vero meo ita fungar, ut et leges eas quas puto ab Homero servatas esse tractem atque unde ortae sint demonstrem et de eis versibus qui rumpere videntur leges Homericas quid iudicandum sit exponam; talem enim rationem in hisce rebus quarendis sequendam esse mihi persuasi, ut eos versus qui contra Homeri morem faciant deleam, si argumentum ex alia re petitum accedit quo adducar ut versum istum spurium esse iudicem atque si intellegi potest, cur quis eum interponere voluerit; eos vero versus, quos cur iudicem exsecandos esse complura argumenta invenire non possum, aut partibus rhapsodiarum spuriiis, quas Lachmannum et Kirchhoffium recte mihi statuisse persuasum sit, tribuo: id quod saepissime factum est: aut relinquo eis, qui Iliadem et Odysseam retractabunt spectandos. sunt denique versus aliquot, qui contra Homeri consuetudinem facere videntur neque vero faciunt; quos non neglegam, ne quis me neglegentem hominem esse dicat.

Sed de rationibus quas in tractandis Homeri carminibus puto esse servandas satis dictum est; ostendam nunc tribus capitibus, quid illas secutus cognoverim.

## I.

Homerus orationes eis tantum verbis inducit, quibus vis loquendi vel sonandi subiecta est.

Homeri mos orationes inducendi facilius qualis sit intellegetur, si cum J. H. Vossio et Goethio comparabitur, quorum uterque Homeri ingenium exprimere voluit. J. H. Vossius igitur in carminis sui epici idyll. I hoc modo virginis verba affert:

oben begann tiefathmend das rosenwangige mädlein: eodemque modo saepius a Vossio verbum quod est beginnen usurpatur ad orationes inducendas; neque diversam rationem Goethius est secutus qui in poëmatis sui epici p. I hoc versu matrem inducit loquentem:

freundlich begann sogleich die ungeduldige hausfrau: Homerus vero nusquam orationes allaturus usurpat v. ἄρχειν merum; ne potuit quidem usurpare, quia verbo ἄρχειν loquendi vis ac potestas non continetur; quare dicit Homerus ἦρχ' ἀγορεύειν (A 570 et saep.) vel μύθων ἦρχε (B 433 et saep.) vel sim. tum apud Vossium in idyll. I virginis oratio quaedam hoc etiam versu affertur:

neigte das blühende mädchen sich hold und lächelte schalkhaft: Homerus si quidem talem sententiam exprimere voluit non potuit non dicere καὶ προσέειπε γελῶσα vel sim. apud eundem Vossium legitur in idyll. III. carm. 2:

gegen ihn wandte sich jetzt die gefällige treue Susanna: Homerus vero debuit dicere προσέειπε τραπεῖσα vel sim. omnino poëtae nostri imprimis qui media quae



dicitur aetate cecinerunt asperius genus et praeceps dicendi secuti saepissime orationes nullo versu induxerunt. cf. Carm. Nibel. vss. 16, 84, 142, 156, 315, 1679, 1680, 1692, 1693.

Sed ut ad propositum revertar, Homeri mos orationes afferendi unde ortus sit facile intellegi potest; ex ipsa enim rei natura sequitur, ut si quem loquentem inducamus ipsi verbo loquendi utamur. quo si non utemur, nostrum ingenium sequemur neque vero rerum naturam. Homerus igitur naturalem legem servavit; tamen longum erat, omnia verba enumerare, quae poëta ad orationes afferendas adhibet; paucis id quod sentio explicabo.

Homerus cum ad orationes inducendas eis tantum verbis utatur, in quibus loquendi notio inest, coniungit cum eis verbis, quibus vis loquendi non est subiecta, aut participia aut infinitivos aut dativos aut genetivos eorum vocabulorum, quae loquendi potestatem habent; itaque efficit, ut verba coniuncta suae consuetudini satis faciant. unum iam attuli, ἄρχειν ἀγορεύειν et ἄρχειν μύθων; addo γόοιο ἐξάρχειν Σ 51. X 430. Ψ 17 saep. κελεντιόωντε φοιτᾶν M 265. ἀνεγείρειν ἐπέεσσιν κ 173. καθάπτεσθαι ἐπέεσσιν O 217. sunt autem multa verba, quae cum principio vim loquendi non habeant tamen procedente tempore sensimque secundo ut ita dicam loco notionem dicendi ceperunt; talia verba ab Homero et cum μύθῳ ἐπέεσσιν sim. coniunguntur et nuda ponuntur. velut ἀμείβεσθαι est principio mutare; secuta est potestas respondendi, quia ei qui colloquuntur vices orationis commutant. itaque invenitur apud Homerum

et ἀμείβεσθαι nudum et ἀμείβεσθαι coniunctum cum ἐπέεσσιν<sup>1)</sup>); eandemque Homerus secutus rationem usurpavit:

et ἐπιέλλω nudum *A* 301. *I* 252 saep. et ἐπιέλλω μῦθον *A* 25. *II* 199. et ἐρύκω *Ψ* 734 ἐρυκάνω *κ* 429 et ἐρύκω ἐπέεσσιν *κ* 422.

et ἐνίπτω *Ψ* 473. *τ* 65. *χ* 212 et ἐνίπτω μύθῳ *B* 245. *Γ* 427 et νεικεῖν *E* 471. *Φ* 470 et νεικεῖν μύθῳ *B* 224. *χ* 225.

et ὀτρύνω *O* 560. 568. *P* 582. *Φ* 530 et ὀτρύνω ἐπέεσσιν *Γ* 429. *κ* 546.

Sed finem faciam enumerandi; his enim expositis sequitur, ut ad tres locos veniam perlustrandos qui non videntur Homeri quam exposui consuetudini respondere. primum vero tractabo Hom. Odyss. rhaps.

o vv. 44 et 45

ex quo loco profectus in meam quaestionem deductus sum. Homerus enim narrat Telemachum a Minerva monitum ut rediret e somno excitasse Pisistratum Nestoris filium hisce verbis, quae quomodo nunc ab editoribus ponuntur repeto:

αὐτὰρ ὁ Νεστορίδην ἐξ ἡδέος ὕπνου ἔγειρεν v. 44.

[λὰξ ποδὶ κινήσας καί μιν πρὸς μῦθον ἔειπεν.] v. 45.

ἔγρεο, Νεστορίδη Πεισίστρατε . . . .

equidem cum primum legi hosce versus, quaedam desiderari sensi atque re vera vs. 45 in omnibus codicibus invenitur, sed a Bekkero, Dindorfio, Faesio, Ari-

---

<sup>1)</sup> abundantem autem Homeri orationem saepius μύθοισιν sim. ad verba addentis ubi non desiderantur hic non tango.

starchum sequentibus deletus est; unus ni fallor Kirchhoffius eum retinuit: qua de re postea exponam. iam Aristarchi verba afferunt schol. cod. *H* et Vind. 133 ad o 45 et cod. *A* ad *K* 157; schol. vero o 45 haec verba exhibent: νοθεύεται ὡς διαπεπλασμένος ἐξ ἡμιστιχίου τῆς *K* Ἰλιάδος· ἐκεῖ γὰρ προσηκόντως Νέσιωρ κοιμώμενον Διομήδην ἀνίστησι, κύψαι<sup>1)</sup> κατοκνήσας διὰ τὸ γῆρας. nimirum *K* 157 legitur:

τὸν παρστὰς ἀνέγειρε Γερήνιος ἱππότα Νέσιωρ  
 λὰξ ποδὶ κινήσας ὦτρυνέ τε νείκεσέ τε ἄντην·  
 ἔγρεο, Τυδεὸς υἱέ . . .

ad *K* vero vs. 157 habet schol.: ὁ ἀστερίσκος, ὅτι ἐν-  
 τεῦθεν εἰς τὴν Ὀδύσσειαν μετακείται ἐπὶ τοῦ Πεισις-  
 τράτιου (fort. inserendum ἐπὶ τοῦ) κλινιδίου καθεύ-  
 δοντος παρὰ Μενελάω. πρὸς τί οὖν ποδὶ, ἀλλ' οὐχὶ  
 τῇ χειρὶ; νῦν μὲν γὰρ εἰκότως ἐπὶ τῆς γῆς κοιμώμενον  
 οὕτως ἐγείρει.

Sequitur ut quaeramus, rectene Aristarchus iudica-  
 verit de vs. o 45 necne. atque illud quidem constat,  
 Aristarchum saepius versus quosdam deleri iubentem  
 Homerum laesisse (cf. Lehrs de Arist. p. 342; exem-  
 plique causa affero schol. *A* 29 — 31) imprimis quod  
 repetiti apud Homerum versus ei mirum quantum dis-  
 plicebant: id quod nunc nemini puto probatum esse.  
 quare ipsa verba v. o 45 rectene se habeant perlu-

<sup>1)</sup> Dindorfius in append. ad tom. II schol. Odyss. p. 791  
 dicit ad p. 606, 8: κύψαι] scribendum τύψαι. contendo etiamsi  
 τύψαι re vera sit in cod., κύψαι tamen recte positum esse. ce-  
 terum post προσηκόντως fortasse οὕτως, ante κοιμώμενον vero  
 ἐπὶ τῆς γῆς erit inserendum ex schol. *K* 157.



stranda sunt. neque re vera deerant, qui hunc versum defendendum susciperent contra Aristarchum ipsum puto dicentes; nam schol. Q ad vs. ο 45 haec verba exhibet: *λὰξ ποδὶ κινήσας*] *πρεπόντως ὁ μὲν ὑπὸ ἐκπλήξεως ἐπειγόμενος οὔτε τὸν καιρὸν οὔτε τὸ πρέπον θεωρεῖ. ἐφίστησι δὲ αὐτὸν εἰς ταῦτα ὁ Πεισίστρατος*, i. e. Pisistratus eum admonet, nondum tempus esse surgendi atque proficiscendi. utracunque denique sententia sive Aristarchi sive scholiastae illius ignoti placebit, equidem nego, istum versum omnino abesse posse; nam neque verbo quod est *ἐγείρειν* notio loquendi principio subiecta est neque hoc loco habet significationem inflammandi vel cohortandi: ergo non potuit illud verbum poëta usurpare h. l. ad Telemachi orationem afferendam. eandemque ob causam habes  
x 173

*ἀνέγειρα δ' εἰαίρους*

*μειλιχίοις ἐπέεσσι παρασταδὸν ἄνδρα ἕκαστον.*  
coniunctum igitur illo loco est *ἀνεγείρειν* cum *ἐπέεσσι* secundum Homeri consuetudinem. iam vero res a Kirchhoffio videtur in luce clarissima posita esse; qui in libro quem inscripsit *die homerische Odyssee und ihre entstehung* praef. p. 12 dicit vs. ο 1—74 interpositos esse. atque causas quidem, quibus adductus Kirchhoffius hosce versus omnes exsecandos esse dicat, tractare longum est: illud tamen nolo neglegere, in hac rhaps. ο. parte versus nonnullos esse, quos vereor ne difficilior sit explicare; velut ο vs. 4—7 habes:

*εὔρε δὲ Τηλέμαχον καὶ Νέστορος ἄγλαον υἱόν  
εὔδοντ' ἐν προδόμῳ Μενελάου κυδαλίμοιο,*

ἦ τοι Νεστορίδην μαλακῷ δεδμημένον ὕπνω,  
Τηλέμαχον δ' οὐχ ὕπνος ἔχε γλυκύς . . .

hosce versus simili loco qui est *A* 611 et *B* 2 explicari notum est; tamen vereor, ne si vulgarem explicationem sequaris efficias, ut caecum versum claudus sustineat. cf. tamen quae Bonitzius de ll. dicit in libro quem inscripsit über den ursprung der Homerischen gedichte p. 60 squ. tum v. 57 ἀγχιμόλον mihi videtur prave dictum esse; denique vereor, ne iudicio non sano v. 56 ex μ 142 repetitus sit; αὐτίκα enim illud mihi displicet.

Deinceps de vs.

*M* 342

dicendum est, qui versus contra Homeri consuetudinem repugnare videtur. Menestheus enim, cum videat Sarpedonem et Glaucum suam turrin aggreddentes, Thootae imperat ut ab Aiace salutem petat; poëtaque narrat:

αἶψα δ' ἐπ' Αἴαντα προΐει κήρυκα Θοώτην·  
ἔρχεο, δῖε Θοῶτα, θέων Αἴαντα κάλεσσον . . .

verbo illo quod est προΐέναι vim loquendi contineri omnes negabunt; itaque cecinit Homerus *A* 25:

ἀλλὰ κακῶς ἀφίει, κρατερὸν δ' ἐπὶ μῦθον ἔτελλεν.  
quid igitur iudicabimus de vs. *M* 342? an poëtam suum morem neglexisse dicemus? minime quidem; nam ad προΐει additum est κήρυκα Θοώτην: ex illo igitur verbo quod est κήρυκα apparet, Menestheum misisse Thootam mittentemque illi res quasdam mandasse nuntiandas. simili igitur ratione Homerus dicit Θ 397 squ.:

Ζεὺς δὲ πατὴρ Ἰδὴθεν ἐπεὶ ἴδε, χῶσαι' ἄρ' αἰνῶς

Ἴριν δ' ὤτρυνε χρυσόπτρον ἄγγελέουσαν·  
βάσκ' ἔθι, Ἴρι ταχεῖα, πάλιν τρέπε ....

rem denique clarissimam reddit et *A* 652 et *A* 715;  
priori enim loco Homerus Patroclum facit dicentem

νῦν δὲ ἔπος ἐρέων πάλιν ἄγγελος εἶμ' Ἀχιλῆι;

Nestor vero narrat *A* 715 (= *Σ* 167)

ἄμμι δ' Ἀθήνη

ἄγγελος ἦλθε θεοῦσ' ἀπ' Ὀλύμπου θωρήσσεσθαι.

Restat denique ut versum qui est

*K* 476

tractemus, qui locus mihi difficillimus videtur esse.  
Rhesum enim monstrat Diomedes Ulixes, cuius verba  
Homerus hoc modo affert:

ἰὼν δ' Ὀδυσσεὺς προπάροιθε ἰδὼν Διομήδεϊ δεῖξεν·

οὗτός τοι, Διόμηδες, ἀνὴρ, οὗτοι δέ τοι ἵπποι ....

verbo *δεικνύναι* ne vis loquendi non sit subiecta valde  
vereor; nam quod legitur *I* 224 (cf. *I* 196. σ 111. ν 57)

πλησάμενος δ' οἶνοιο δέπας δεῖδεκτ' Ἀχιλλῆα

afferre non licet ad *K* 476 explicandum: ibi enim *δέι-  
δεκτο* est „er begrüßte ihn mit dem becher.“ quare  
vs. *K* 476 in medio relinquo; illud tamen commemoro,  
rhaps. *K* tam refertam esse et singularibus et miris  
rebus, ut si quis talia colligere velit perspicere osten-  
dere possit, quantum distet haec rhaps. a reliquis  
Iliadis carminibus; atque singularem ego et miram  
etiam hanc orationis inducendae rationem habendam  
esse puto. quae si habebitur, nihil inde afferri potest  
contra morem quem exposui orationes afferendi Home-  
ricum et plurimis exemplis munitum neque ab ingenio  
poëtae abhorrentem.



## II.

Verba ea, quibus orationes inducuntur, Homerus repetit, si duobus vel tribus squ. versibus ab ipsa oratione separantur.

Ingenii humani natura fert, ut si quae graviora levioribus nonnullis interrumpuntur, priora illa repetantur, ne tota ac summa sententia obscuretur; id quod et in vulgari sermone et apud poëtas scriptoresque Graecos Latinosque et nostros saepissime invenitur. audivimus nonnunquam nostros homines hoc modo narrantes; als ich zu ihm kam — ich war aber lange nicht bei ihm gewesen, weil . . . — als ich also zu ihm kam, da . . . id igitur quod gravissimum est, ne levioribus rebus interruptum obscuretur, repetitur. iam idem mos saepius nobis occurrit scriptorum libros legentibus; velut apud Cic. de fin. l. IV. cap. 14. p. 38 legitur: ut si cultura vitium, cuius hoc munus est ut efficiat ut vitis cum omnibus partibus suis quam optime se habeat — sed sic intellegamus . . . : si igitur illa cultura vitium in vite insit ipsa, cetera credo . . . ; repetitur igitur a Cicerone prior sententiae pars leviter mutata, ne ei qui legant quae res agatur obliviscantur. cf. etiam de fin. l. III. c. 13. p. 43 et Madvici adn. verb. ad h. l. tali igitur modo repetitas sententias scriptores praebent omnes, saepissime vero poëtae, qui carmina componant non ut legantur sed ut recitentur et audiantur; nam verba scripta manent neque oculos effugere possunt, recitata vero verba abeunt atque conticescunt simulatque recitata sunt neque iterum auribus

percipi possunt. ideoque multa exempla inveniuntur verborum repetitorum in tragoediis (Soph. El. 783—6. Antig. 1039—43. Oed. Tyr. 267—9. Trach. 158—9. 287—9. 296—306. 431—3. 1194—7. 1233—5 ed. Schneidewin.) et in comoediis (cf. Lorentii adn. ad Plauti Most. v. 139), plurima vero apud Homerum, quippe qui non modo carmina composuerit ut recitarentur neve legerentur sed etiam omnino ignarus fuerit scribendi artis. itaque haec leguntur apud Homerum vs. *E* 76—9:

*Εὐρύπυλος δ' Ἀνδραϊμονίδης Ὑψήνορα δῖον  
νῖδ' ὑπερθύμον Δολοπίονος, ὃς ἔα Σκαμάνδρου  
ἄρητῆρ ἐτέτυκτο, θεὸς δ' ὥς τίειο δῆμῳ,  
τὸν μὲν ἄρ' Εὐρύπυλος . . . μεταδρομάδην ἔλασ'  
ᾤμον.*

eademque in rhaps. vs. 533—37 leguntur

*ἧ καὶ ἀκόντισε δουρὶ, θοῶς βάλε δὲ πρόμον ἄνδρα  
Αἰνείῳ ἔταρον μεγαθύμον Ἀηϊκῶντος  
Περγασίδην, ὃν Τρῶες ὁμῶς Πριάμοιο τέκεσσιν  
τῖον, ἐπεὶ θεὸς ἔσκε μετὰ πρῶτοισι μάχεσθαι,  
τόν ῥα καὶ ἀσπίδα δουρὶ βάλε κρείων Ἀγαμέμνων.*

eodem denique modo verba interrupta repetit Homerus  
*A* 432—6. 482—8. *E* 136—43. 522—27. *Z* 131—39.  
*Z* 394—98. *H* 208—11. *I* 128—131 = *I* 270—73.  
437—44. *A* 20—3. 67—70. 122—26. 299—304.  
305—309. 324—26. *M* 294—8. 299—307. 433—436.  
*N* 170—77.

Expositis eis, quae in universum ad sententias repetitas attinent, demonstrandum est, qua ratione Ho-

merus eos versus repetat, quos ad orationes afferendas adhibeat. Homerus enim cecinit *B* 790—795:

ἀγχοῦ δ' ἵσταμένη προσέφη πόδας ὠκέα Ἴρις· v. 790

εἷσατο δὲ φθογγὴν νῦν Πριάμοιο Πολίτη

ὃς Τρώων σκοπὸς ἴζε ποδωκείησι πεποιθώς

τύμβῳ ἐπ' ἀκροτάτῳ Αἰσνήταο γέροντος

δέγμενος ὁππότε ναῖφιν ἀφορμηθεῖεν Ἀχαιοί·

τῷ μιν εἰσαμένη προσέφη πόδας ὠκέα Ἴρις v. 795.

v. 790 igitur sequuntur quattuor versus, quibus ab ipsa Iridis oratione separatus est; itaque ne istis quattuor versibus v. 790 obscuretur aut oblivione obruatur, repetitur levitur mutatus v. 795. alterum exemplum exscribam, quod est *Θ* 493—6:

ἔξ ἵππου δ' ἀποβάντες ἐπὶ χθόνα μῦθον ἄκουον v. 492

τόν δ' ἔκτωρ ἀγόρευε διήφιλος· ἐν δ' ἄρα χειρὶ

ἔγχος ἔχ' ἐνδεκάπηχυν· πάροιθε δὲ λάμπειτο δουρὸς

αἰχμὴ χαλκείη, περὶ δὲ χρύσεος θῆε πόρκης·

τῷ ὅγ' ἐρeisάμενος ἔπεα Τρώεσσι μετιγύδα v. 493.

verbum ἀγόρευε quod est vs. 493 potuit orationem quae sequitur inducere; tamen cum verbi illius vis fracta sit versibus qui sequuntur, poëta iterum posuit vs. 496 ad orationem Hectoris inferendam. eademque repetendi ratione Homerus est usus hisce versibus, quos iam enumerabo: neque vereor, ne quem locum qui ad hanc rem attineat neglexerim: *B* 790. *Γ* 386. *Θ* 493. *Α* 603. *N* 90. 480. *O* 280. 545. *P* 215. 323. *Σ* 249. 316. *Υ* 79. *X* 34. *α* 28. *β* 15. 157. *ζ* 21. *η* 155. 233. *π* 394. *σ* 321. *ω* 422.

Omnes vero isti versus ut repeterentur eam quam attuli causam neque vero poëtae copiam verborum effe-



cisse et inde apparet, quod versus posterior nusquam particulis quae sunt καὶ τε sim. cum prioribus verbis coniungitur et ex eo mihi videtur posse cognosci, quod Homerus versum, quo orationes inducit, non repetit nisi duobus aut tribus squ. versibus ab oratione quae sequitur seiunctus est: ita, ut uno versu separatus ab oratione non repetatur. leguntur igitur vs. *A* 35 squ. haec:

πολλὰ δ' ἔπειτ' ἀπάνευθε κίων ἡρᾶθ' ὁ γεραιός v. 35

Ἀπόλλωνι ἄνακτι, τὸν ἡύκομος τέκε Αἰτωί·

κλυθεῖ μεν, ἀργυρότοξ', ὃς Χρῦσῃν ἀμφιβέβηκας ....

vs. 35, quo quae sequuntur preces senis nuntiantur, post v. 36 non repetitur eisdem similibusve verbis, quia istius versus vis non est fracta neque obruta. neque repetuntur vs. *A* 15. 320. 572. *A* 173. 176. 301. 356. *Z* 76. *H* 94. 277 (sunt tales versus fere triginta quinque), qui uno versu ab orationibus quas inducunt seiuncti sunt. duo vero exempla sunt quae contra ea quae modo exposui repugnant aut videntur repugnare *B* 221. ω 451; de quibus locis intellego mihi quid sentiam dicendum esse, ne quis mihi obiciat me temerariam sequi Homeri tractandi rationem. atque

#### *B* 221

de Thersite narrat Homerus:

τὼ γὰρ νεικεῖσκε· τότ' αὖτ' Ἀγαμέμνονι δίω v. 221

ὀξέα κεκληγὼς λέγ' ὀνειδέα. ιϜ δ' ἄρ' Ἀχαιοί

ἐκπάγλως κοτέοντο νεμέσσηθέν τ' ἐνὶ θυμῷ.

αὐτὰρ ὁ μακρὰ βοῶν Ἀγαμέμνονι νείκεε μύθῳ·

Ἀτρεΐδῃ, τέο δ' αὖτ' ἐπιμέμφει ἡδὲ χατίζεις; ....

Naegelsbachius enim ad h. l. verba adnotat haec: es ist aber mit dem ὁξέα κεκληγώς die folgende rede gemeint, wie das τότ' αὖτ', jetzt hingegen, beweist. quod si recte exposuisset vir ille doctus, Homerus repeteret v. 222 verbis quae sunt v. 224; quamquam prior iste versus uno v. 223 ab oratione Thersitae diiunctus esset, si v. 224 abesset. at vereor ne Naegelsbachius falso Homeri verba explicaverit; nam cur dicat, verba quae sint τότ' αὖτ' demonstrare, verbis v. 222 λέγ' ὀνειδέα sequentia Thersitae verba appellari, equidem causam non intellego; accedit, quod v. 224 inutilis videbitur esse, si Naegelsbachii sententiam secuti vs. 222 contendemus esse orationem Thersitae ipsam significatam; nam iste versus tum neque obscuratus erit neque vis eius fracta, ita ut non fuerit, cur v. 224 repeteretur. quibus ego causis adducor, ut hoc modo mihi iste versus videatur interpretandus esse: Achilli et Agamemnoni conviciari Thersites solebat antea; tum vero, cum Achilles armis depositis pugnam recusabat, Agamemnoni uni semper male dicebat; Achaeique ei succensebant; tamen ille neglecta Achaeorum ira hoc modo latravit. atque hac ratione mihi Homeri verba explicanti videor neque a sensu vero aberrasse neque sententiam contrariam quae intercedit inter τὸ νεῖξεσκε atque τότ' αὖτ' — λέγ' ὀνειδέα neglexisse. alter vero locus qui est

ω 451

profecto pugnat cum eis quae supra dixi; puto vero istum locum vinci posse. hi sunt enim versus:

τοῖσι δὲ καὶ μετέειπε γέρον ἥρως Ἀλιθέρσης v. 451  
*Μαστιορίδης· ὃ γὰρ οἷος ὄρα πρόσσω καὶ ὀπίσσω·*  
*ὃ σφιν εὖ φρονέων ἀγορήσατο καὶ μετέειπεν·*

v. 453 verbum *μετέειπεν* repetit prius idem verbum v. 451. at Aristarchus extremam Odysseae partem ab Homeri ingenio abhorreere contendit neque esse opinor, qui Aristarchi sententiam repudiet. accedit vero, quod imprimis hi versus sunt petiti ex β 157 squ. et Σ 250. cf. J. Bekkeri adn. ad h. l.

Sed iam ad institutum revertar meum. atque illud quidem puto me recte affirmasse, Homerum verba orationes nuntiantia repetere, si ab sequentibus sint orationibus duobus vel tribus squ. versibus separata. tamen nondum mihi quiescere licet; sunt enim quidam versus, quos ab orationibus suis diremptos duobus versibus non repetit poëta; eis igitur locis, quos infra afferam, haec quam exposui Homeri consuetudo neglecta est neque tamen ita, ut ista consuetudo quomodo sit neglecta explicari non possit. nam exposui ante, Homerum verba orationes inducentia repetere ac renovare si prioris verbi vis obscurata sit. quibus igitur locis ista verborum talium vis non est fracta? eis re vera, quibus ei versus duo, qui intersunt inter orationem ipsam atque verbum quo oratio inducitur, non suam habent propriam vim atque constructionem, sed verbo orationem afferenti se adiungunt atque applicant: omnino igitur, ubi non sententia principali ac prima, qua qui audiant ab ea re quae agitur abducantur, sed participio vel sententia relativa sim. verbum ab oratione quam nuntiat separatur. sed quid sentiam me-



lius cognoscetur, si duobus exemplis verba quae supra posui probavero. legitur enim

vs. β 399

*αὐτὰρ Τηλέμαχον προσέφη γλανκῶπις Ἀθήνη* v. 399  
*ἐκπροκαλεσσαμένη μεγάρων ἐν ναιεταόντων*

*Μέντορι εἰδομένη ἡμὲν δέμας ἥδὲ καὶ αὐδὴν·*

*Τηλέμαχ', ἥδη μέντοι ἐὺκνήμιδες ἑταῖροι . . . .*

verbum *προσέφη* duobus versibus ab oratione quae sequitur seiunctum est neque tamen repetiit Homerus. cur igitur poëtae non placuit istius verbi vim renovaturo hunc fere versum subicere v. 401:

*τοῖ μιν εἰσαμένη προσέφη γλανκῶπις Ἀθήνη.*?

re vera puto ideo, quod vis verbi quod est *προσέφη* sequentibus participiis non est fracta; nam participia illa quae sunt *ἐκπροκαλεσσαμένη* et *εἰσαμένη* cum unam atque liberam sententiam nunquam efficere possint, cum v. *προσέφη* coniuncta sunt ex eoque pendent, ideoque fit, ut v. *προσέφη* etiam sequentes versus regat, quibus non obscuratur. eodemque usus iudicio intactos reliqui vv. *P* 555. 582, de quo loco p. 32 nonnulla dicam, *9* 474. *ρ* 342. ne versus quidem illos stringam qui sunt *ξ* 459 = *ο* 304; utroque enim loco haec leguntur:

v. 459, 304.

*τοῖς δ' Ὀδυσσεὺς μετέειπε συβώτῳ πειρητίζων,*

*εἰ πῶς οἱ ἐκδὺς χλαῖναν πόροι ἢ τιν' ἑταίρων*

*ἄλλον ἐποτρύνειεν, ἐπεὶ ἐο κήδετο λίην·*

*κέκλυθι νῦν, Εὐμαιε καὶ ἄλλοι πάντες ἑταῖροι . . . .*

ne hos quidem versus igitur reprehendo: nam quamquam verbum *μετέειπε* v. 459 (*ο* 304) duobus versibus

ab ipsis Ulixis verbis separatur, tamen non conficitur neque obscuratur versibus qui sunt 460 et 61 (ο 305 et 306); nam ab illo *μετέειπε* pendet *πειρητίζων*, ab hoc vero verbo interrogatio indirecta: itaque omnia verba quae vs. 460 et 61 (ο 305 et 6) continentur ad illud *μετέειπε* respiciunt neque cum respiciant vim istius verbi frangunt.

Exposita igitur Homeri consuetudine verba orationes afferentia repetendi ac renovandi deinceps ei loci tractandi videntur esse, qui cum ista poëtae consuetudine pugnant. atque primum quidem

vs. *E* 784

legitur:

*ἐνθα σιᾶσ' ἦῦσε θεὰ λευκώλενος Ἥρη* v. 784

*Στέντορι εἰσαμένη μεγάλῃτορι χαλκροφώνῳ*

*ὃς τόσον ἀνδήσασχ' ὅσον ἄλλοι πεντήκοντα·*

*αἰδῶς, Ἀργεῖοι, κάκ' ἐλέγχεα, εἶδος ἀγητοί . . .*

verbum enim quod est *ἦῦσε* v. 784 duobus a Junonis oratione versibus diremptum est neque tamen renovavit poëta; at vs. 786 de Stentore neque de Junone agitur: quare puto me cum Hauptio facere posse, qui in additam. ad Lachmanni librum adiectis p. 107 squ. rhaps. *E* vs. 711—92 spurios esse mihi videtur demonstrasse.

Idemque gaudeo mihi Aristarchi doctrina frui licere tractanti

vs. *δ* 660 squ.

qui sunt:

*τοῖσιν δ' Ἀντίνοος προσέφη Εὐπείθεος υἱός* 660 v.

*ἀχνύμενος· μένος δὲ μέγα φρένες ἀμφιμέλαιναι*

*πίμπλαντ', ὅσσε δέ οἱ πυρὶ λαμπεϊόωντι εἵκτην·*

*ὦ πόποι, ἦ μέγα ἔργον ὑπερφιάλως ἐτελέσθη . . . .*

Aristarchus enim intellexit vs. 661 et 62 ex A vs. 103 et 4 esse depromptos; cf. schol. ad hh. ll. quoniamque Aristarchi doctrinae obsecuti qui Homerum ediderunt istos versus deleverunt, rem actam agere nolo.

Venio nunc ad versus tres tractandos, qui leguntur  
vs. 75 γ squ.

ibi enim Homerus Telemachum inducit ex Nestore quaerentem quid Ulixae patre factum sit hisce verbis:

*τὸν δ' αὖ Τηλέμαχος πεπνυμένος ἀντίον ἦνδα 75*

*θαρήσας· αὐτὴ γὰρ ἐνὶ φρεσὶ θάρσος Ἀθήνη 76*

*Θῆχ', ἵνα μιν περὶ πατρὸς ἀποιοχόμενοιτο ἔροιτο*

*ἦδ' ἵνα μιν κλέος ἔσθλόν ἐν ἀνθρώποισιν ἔχησιν·*

*ὦ Νέστορ Νηληϊάδῃ, μέγα κῦδος Ἀχαιῶν . . .*

vs. 78 qui idem invenitur α 95 editores deleverunt neque inest in compluribus cod. cf. Bekk. adn. crit.; at ne vs. 76. 77 quidem mihi videntur genuinam notam atque integram habere. nam Telemachus domum reliquit, ut de absente patre Nestorem interrogaret; iam adest neque vero interrogare audet: nimia igitur mihi videtur animi anxietas Telemacho tribui ab eo quicumque istos versus composuit; nam neque molles neque muliebres sunt Homeri heroes. quare puto vs. 76 et 77 a rhapsodo<sup>1)</sup> quodam interpositos esse Telemachum timidiorē fingente.

---

<sup>1)</sup> rhapsodum dixi, qui plerosque versus spurios a rhapsodis putem interpositos esse: illi enim aedorum carmina recitaverunt.

Firmiore vero iudicio mihi videor uti posse de versibus qui leguntur

ν 253 squ.

Ulixes enim ex eis quae Minerva dixit se in patriam revertisse cognovit; iam eum poëta narrat se suumque nomen celasse deam hisce versibus:

*καί μιν φωνήσας ἔπεα πτερόεντα προσηύδα· ν. 253  
οὐδ' ὅγ' ἀληθέα εἶπε, πάλιν δ' ὅγε λάζετο μῦθον  
αἰεὶ ἐνὶ στήθεσσι νόον πολυκερδέα νωμῶν·*

*πυνθανόμην Ἰθάκης γε καὶ ἐν Κρήτῃ εὐρείῃ ....*

vs. 253 non est renovatus quamquam duobus versibus ab oratione Ulixis seiungitur; abhorret igitur locus ab Homeri ratione. tum verba quae v. 254 sunt *πάλιν δ' ὅγε λάζετο μῦθον* mihi valde displicent neque ea puto cuiquam placere; aliena enim videntur esse a perspicuo Homeri genere dicendi. nam Faesius quidem hoc modo verba illa explicat: er nahm das wort, das ihm schon auf der zunge schwebte, zurück; fac vero poëtam talia quaedam sonare verba sua voluisse (quem equidem voluisse concedo Faesio): nonne apparet, eum summam sententiae „das ihm schon auf der zunge schwebte“ suppressisse atque celasse? Homerum tamen omittere talia potuisse mihi non persuadetur. neque satis faciunt mihi schol. quae ad h. l. haec verba exhibent: *εἰς τὸ ἐναντίον ἔστρεφεν H. εἰς τοῦναντίον τοῦ ἀληθοῦς, ὃ ἐστίν, ἐκ δευτέρου δὲ τὸν λόγον ἀνελάβετο V.*: nam *πάλιν* apud Homerum non sonat idem quod *ἐναντίον*; ceterum schol. V. etiam Faesii sententiam exprimere videtur. accedit denique quod eadem verba leguntur vs. A 357, qui est



ὥς γνῶ χωρόμενοιο· πάλιν δ' ὄγε λάζετο μῦθον,  
 quo loco illa aptissime posita esse quis est qui neget?  
 quibus de causis suspicor, vs. 254 esse delendum;  
 quem interpositum esse puto, ut verba v. 255 αἰεὶ —  
 νόον πολυκερδέα νωμῶν atque ipsa quae sequuntur  
 Ulixis verba illustrarentur dolusque viri explicaretur:  
 cum omisso v. 254 omnia sint plana atque perspicua.

Reliquum est, ut de duobus locis difficillimis qui  
 sunt *N* 215 et *T* 404 pauca dicamus. atque

*N* 215

quidem hi versus leguntur:

v. 215

τὸν δὲ προσέφη κρείων ἐνοσίχθων  
 εἰσάμενος φθογγὴν Ἀνδραίμονος νῦν Θόαντι  
 ὃς πάσῃ Πλευρῶνι καὶ αἰπεινῇ Καλυδῶνι  
 Αἰτωλοῖσιν ἄνασσε, θεὸς δ' ὥς τίετο δῆμῳ·

Ἰδομενεῦ, Κρητῶν βουληφόρε, ποῦ τοι ἀπειλαί . . . .  
 verbum quod est προσέφη tribus versibus ab oratione  
 Neptuni quae sequitur diremptum est; accedit quod  
 vs. 216 et 17 neque ex v. προσέφη pendent et de  
 Thoante non de Neptuno verba sunt. quare hosce ver-  
 sus claudicare et haerere sensi, cum hunc locum legi  
 ab eisque profectus sum in quaestionem quam pro-  
 posui instituendam. atque ecce tibi ingeniorum con-  
 centus consensusque: idem atque ego senserunt qui  
 cod. Vindob. Alteri scripserunt aut qui horum codicum  
 archetypum exaravit; cod. enim Vindob. vs. 218 sub-  
 iciunt hunc versum:

τῷ μιν εἰσάμενος ἔπεα πτερόεντα προσηύδα vel  
 τῷ μιν εἰσάμενος προσέφη κρείων (κρατερός) ἐνο-  
 σίχθων.

iam quaerendum est quid de hoc versu iudicandum sit, utrum eum inter vs. 218 et 19 interponi iubeamus necne, quanta denique auctoritas ei videatur tribuenda esse. tamen Spitznerum ante consulamus. atque is quidem ad h. l.: inepte, inquit, submittit Vind. Alteri hunc versum. ineptene? cur tandem inepte? esse hunc versum aliunde arreptum contendit Spitznerus. itane? at quo argumento demonstraturus erat Spitznerus hunc versum esse aliunde arreptum neque vero alterum versum esse ex hoc loco petitum? nullo puto argumento demonstrare potuit. an Spitznerus omnes versus inepte positos esse contendit qui apud Homerum repetiti invenirentur praeter unum? iam pergit idem vir doctus: spuria autem eius origo vel eo indicatur, quod libri quattuor clausulam attexunt e vs. 215 petitam: *προσέφη κρείων ἐνοσίχθων* (*κρατερὸς ἐνοσίχθων* cf. Bekkeri adn. crit.). at id quidem vitium librarii oculis errantibus fortasse tribuendum erit. itaque puto Spitznerum non recte de hoc versu iudicasse. neque vero me fugit, librarios ex suis ingeniis verba ista addidisse; at neque ex eo, quod idem versus aliis etiam locis invenitur neque quod diversam habent clausulam libri Vindob. quattuor versum istum repudiandum esse puto: sed illud mihi unum persuadet, versum esse spurium, quod in reliquis cod. optimis non invenitur. ceterum non inepte librarii hunc versum interposuerunt, sed adducti sensu fortasse obscuro, sed lepido et urbano. atque hoc quidem loco ea dicam, quae supra p. 31 me allaturum esse de *P* vs. 584 promisi; etiam istis enim versibus subiecta haec verba sunt:

τῷ μιν ξεισάμενος προσέφη ἐκάεργος Ἀπόλλων.

tamen cum absit hic versus a cod. Veneto, spurius habendus erit; neque illum desiderari fortasse ex eis quae supra dixi apparebit: quamquam ne eum quidem verum puto inepte a librariis interpositum esse.

Sed redeo ad locum de quo agitur tractandum; quoniam enim cod. Vind. parum auctoritatis habent, intellego mihi alia ratione utendum esse qua de hisce versibus iudicem. atque repeto Faesii verba adnotantis haec: *πάση Πλευρῶνι* scheint wegen des beigefügten *πάση* eigentliches object zu *ἄνασσε* zu sein, dagegen *αἰπεινῇ Καλυδῶνι* ortsbestimmung neben dem zweiten object *Αἰτωλοῖσι*, welchem entsprechend auch im ersten gliede *Κουρῆσι* ohne *πάση* angesetzt sein könnte. Faesius igitur hoc modo poëtae verba construi iubet: *ὁς πάση Πλευρῶνι καὶ Αἰτωλοῖσιν [ἐν] αἰπεινῇ Καλυδῶνι ἄνασσειν*. atque equidem vereor, ut quis Faesii rationem verba illa coniungendi sequatur; difficilis enim mihi videtur esse atque contorta: neque vero puto negari posse recte Faesium illud *πάση* notasse; accedit quod tres illi dativi nudi mihi displicent. quare fortasse vs. 217 et 18 erunt delendi, praesertim cum saepius ad nomen quoddam proprium versus aliquot qui hominem istum ornarent atque distinguerent additos esse notum sit. cff. vs. 4531. λ 343. σ 413.

Alter denique locus quem restare dixi ut inspiceretur est

T 404

quo loco hi versus leguntur:

τὸν δ' ἄρ' ὑπὸ ζυγῶφι προσέφη πόδας αἰόλος ἵππος  
 Ξάνθος, ἄφαρ δ' ἤμυνσε καρῆατι, πᾶσα δὲ χαίτη  
 ζεύγλης ἐξεριποῦσα παρὰ ζυγὸν οὐδας ἴκανεν·  
 αὐδόμεντα δ' ἔθηκε θεὰ λευκώλενος Ἥρη  
 καὶ λίην σ' ἔτι νῦν γε σωώσομεν, ὄβριμ' Ἀχιλλεῦ . . . .

atque hic quidem profiteor, me nihil certi afferre posse; nam cur vs. 405—7 delendos esse censeam equidem non habeo. istud vero praeterire nolo, mihi equum illum loquentem displicere; nam talia miracula abhorrrere puto ab Homeri sinceritate. narrat enim Homerus saepe miracula, at ita narrat, ut se miras res afferre dicat; hoc vero loco Xanthus equorum modum excedit, loquitur: neque Achilles horret, sed placide essedum conscendit. qua de causa puto totum locum esse rhapsodis tribuendum.

Potui finem facere huius capitis; at cum Homero non nullos versus eripuerim vel eripiendos esse censeam, damnum intellego mihi compensandum esse; itaque vulnera duo sanabo, quae mihi persuasum est Homero per iniuriam illata esse. Bekkerus enim Lachmanno p. 81 suadente delevit vs.

#### A 605—7

quem non puto recte versus illos Lachmanno oboedientem delevisse. nam versus de quibus agitur hi sunt:

αἶψα δ' ἐταῖρον ἐὼν Πατροκλῆα προσέειπεν v. 602  
 φθεγγάμενος παρὰ νηός· ὃ δὲ κλισίῃθεν ἀκούσας  
 ἔκμολεν ἴσος Ἀρηϊ, κακοῦ δ' ἄρα οἱ πέλεν ἀρχή.  
 [τὸν πρότερος προσέειπε Μενoitίου ἄλκιμος υἱός·  
 τίπτε με κυκλήσκεις, Ἀχιλλεῦ; τί δέ σε χροῖω ἐμεῖο;



ἰὸν δ' ἀπαμειβόμενος προσέφη πόδας ὠκὺς Ἀχιλλεύς]  
 διε Μενoitιάδη, ἰὼ ξυῶ κεχαρισμένε θυμῷ . . . .

versus igitur 605. 606. 607 Bekkerus ex exempli sui oratione eiecit neque obscurum est quibus causis vir ille omnium doctissimus adductus sit, ut versus istos deleret; displicuit enim Lachmanno et Bekkero, quod, cum verbo quod est *προσέειπε* v. 602 Achillis oratio nuntietur, Patrocli verba v. 605 et 606 intercedunt. at vereor, ut satis firma sit ista causa, qua probari possit, vs. 605. 606. 607 esse exsecandos: nam saepius puto fieri apud Homerum ut poëta ingenio fervente nimis celeriter festinet festinansque repetere quaedam omissa cogatur; id quod hoc loco factum est. tamen quidquid de hisce versibus iudicatur, illud apparet, versibus illis deletis orationem ferri non posse; nam vs. 602 *προσέφη* apud Bekkerum duobus versibus qui sunt 603 et 604 ab oratione Achillis diremptum est neque repetitur; neque vero licet nobis recentes afferre difficultates veteres si quidem sunt deleturis.

Alteram denique mihi videtur Homero iniuriam facere Lachmannus; is enim p. 49 libri sui clarissimi nos iubet

vs. N 92 et 93

exsecare; versus vero hi sunt:

ἀλλ' ἐνοσίχθων v. 89

ῥεῖα μετeisάμενος κρατερὰς ὤτρυνε φάλαγγας·  
 Τεῦκρον ἔπι πρῶτον καὶ Αἰῖτον ἔλθε κελεύων  
 [Πηνελέων θ' ἦρῶα Θόανιά τε Διῖπυρόν τε  
 Μηριόνην τε καὶ Ἀντίλοχον μῆστορας αὐτῆς·]

τοὺς ὅγ' ἐποτρύνων ἔπεα πτερόεντα προσηύδα·  
αἰδώς, Ἀργεῖοι, κοῦροι νέοι· ὑμῖν ἔγωγε . . . .

iam nolo quaerere, utrum Lachmannus recte iudicaverit Thoantem Deipyrum, Merionem Antilochum inepte hoc loco commemoratos esse necne; neque enim fieri posset, quin tota Lachmanni sententia quam de rhaps. *A—O* proposuit inspicienda esset. illud vero mihi videor contendere posse, hac quidem in re aut Lachmanno omnino oboediendum non esse aut si Lachmannus vincat non solum vs. 92 et 93 esse delendos, sed etiam vs. 94. neque enim, si vs. 92 et 93 delebimus, quidquam aliud efficiemus, quam ut vs. 94 claudo pede sequatur, quia vs. 91 verbum quod est *κελεύων* repeteretur vs. 94 verbo quod est *προσηύδα*: id quod neque necessarium esse neque concedi posse Homero apparet ex eis, quae hoc per caput disputavi.

### III.

Homerus ad finitas orationes respicit ad easdemque respicientia verba ponit.

Hoc quoque in capite Germanis utar exemplis quibus qualis sit Homeri mos ab orationibus ad ipsa facta transeuntis narranda describam. J. H. Vossius igitur in carmine suo epico idyll. I hosce habet versus:

blickte zum buschigen ufer Luis' hinhorchend und  
sagte:

„still! es tönte mir dumpf wie ein ruderschlag von  
dem ufer.“

aber der muthige Karl, der voran lief, wandte sich rufend.

Vossius igitur nullo verbo orationem quae antecessit notavit; Homerus vero ubique orationibus heroum confectis subiecit verba ad illas spectantia velut ὡς ἔφατο, ὡς φάτο, ὡς ἄρ' ἔφη, ὡς εἰπὼν, ὡς φάσαν, ὡς ἄρ' ἔφην, ὡς ἄρα φωνήσας, ἦ, sim.

Neque profecto mihi quidem obscurum videtur esse, cur Homerus ad orationes confectas verba quaedam pertinentia posuerit; poëta enim sive quem narrantem sive praecipientem sive mandantem fecerat, verborum quae facta erant summam comprehendit uno duobusve verbis: itaque effecit, ut, cum orationibus istis imprimisque longis factorum contextus diremptus esse videretur, commodis verbis ad res gestas gerendasve transire posset. neque vero unius orationis Homero comprehendendi summam mos fuit; eandem potius fuisse puto causam, cur poëta comparationi confectae verbum quod est ὡς subiceret; velut A 433—6 leguntur hi versus:

Τρωῆς δ', ὥστ' ὅϊες πολυπάμονος ἀνδρὸς ἐν αὐτῇ  
 μυρίαί ἐστήκασιν ἀμελγόμεναι γάλα λευκόν  
 ἄζηχῆς μεμακνῆται, ἀκούουσαι ὅπα ἄρνων,  
 ὡς Τρώων ἀλαλητὸς ἀνὰ στρατὸν εὐρὺν ὀρώρει.

verbo igitur isto ὡς summam prioris partis comparatae comprehendit Homerus; illo enim verbo posito commode et perspicue posteriorem partem comparationis narrare potuit. similes denique sunt hi loci Soph. El. 73. Aj. 762. 766. El. 761. 696. Oed. Col. 62. cf. G. Hermann adnotata verba ad Aesch. Pers. vs. 508.

Sed in rebus clarissimis mihi videor longus esse; quare perspecta ratione qua Homerus ad istum morem perductus sit, nonnulla dicam de huius moris generibus quibusdam. quibus perfectis eos enumerabo locos, qui contra Homerum faciunt.

Primum igitur Homerus si quosdam colloquentes facit respondentis hominis orationem hoc versu inducit:

*τὸν δ' ἀπαμειβόμενος προσέφη* *A* 84. 130. 215. 285.  
560. *B* 369.

vel *τὸν δ' ἡμείβει' ἔπειτα* *A* 121. 172. 413. 544.  
551. *Γ* 199. *A* 50.

vel *τὸν δ' αὖτε προσέειπε* *A* 206. *Γ* 58. *E* 179. 229.  
*Z* 332. 440.

vel *τὸν δ' ἄρ' [ὑπόδρα ἰδὼν]* *προσέφη* *A* 148. 364.  
517. *A* 30. 183.

non gravia sunt ista verba quae ad orationes antecedentes respiciunt: rapide enim currere solent orationes duorum qui colloquuntur hominum sese excipientium: tamen etiam in istis verbis apparet vim quandam inesse, quae priorem orationem notat.

Tum saepissime fit, ut colloquio confecto Homerus non ad postremam orationem solam sed ad omnes quae antecesserunt orationes respiciat. vs. *A* 304 igitur finitis Achillis verbis Homerus hunc versum subicit:

*ὥς τῷγ' ἀντιβίοισι μαχησαμένῳ ἐπέεσσιν -- ἀνστήτην...*  
versus igitur iste non solum Achillis sed etiam Agamemnonis verba significat atque comprehendit: neque tamen postrema Achillis oratio neglegitur, sed idem versus illam notat. eandemque secutus rationem Ho-



merus finitis colloquiis suas res narrare incipit ab hisce verbis:

ὥς οἱ μὲν τοιαῦτα πρὸς ἀλλήλους ἀγάρεον *E* 273.  
431. *H* 464.

ὥς ἄρα φωνήσαντες *ω* 361. ὥς ἄρα φωνήσαντες *E*  
239. *Z* 232.

ὥς εἰπόντες *K* 254.

Alio deinde sui moris Homerus genere utitur eis locis quibus duae orationes tam artis societatis vinculis coniunctae atque copulatae sunt, ut quasi unam orationem efficiant. ibi enim post priorem orationem verba quae istam notent omittuntur, posteriori vero subiciuntur verba talia, ut utriusque orationis summam comprehendant. velut in *rhaps. A* vs. 220—250 narrat Homerus Agamemnonem Achaeos inflammaturum diligentes quidem laudasse (vs. 232—39), pigros vero vituperasse (vs. 240—49); utraque igitur oratione dux Graecorum idem efficere voluit, ut et pigros et diligentes omnes in pugnam incitaret. iam narrat poëta inde a vs. 232 usque ad vs. 239:

v. 232

καί ῥ' οὗς μὲν σπεύδοντας ἴδοι Δαναῶν ταχυνώλων  
τοὺς μάλα θαρσύνεσκε παριστάμενος ἐπέεσσιν·

Ἄργεῖοι, μήπω τι μεθίετε θούριδος ἀλκῆς·

οὐ γὰρ ἐπὶ ψευδέσσι παιῆρ Ζεὺς ἔσσειτ' ἀρωγός . . .

usque ad vs. 239. pigros contra Achaeos Agamemnon increpat vs. 240—49:

οὔστινας αὖ μεθιέντας ἴδοι σινυγεροῦ πολέμοιο  
τοὺς μάλα νεικείεσκε χολωτοῖσιν ἐπέεσσιν·

*Ἄργεῖοι ἰόμωροι, ἐλεγχέες, οὐ νυ σέβουσθε;  
τίφθ' οὕτως ἔσιγητε τεθηπότες ἤντι νεβροί . . . .*

usque ad vs. 249. priori igitur Agamemnonis orationi Homerus neque ὥς ἔφατο neque ὥς ἄρ' ἔφη neque similia subicit, at vs. 250 pergit:

*ὥς ὄγε κοιρανέων ἐπεπωλεῖτο σίτχας ἀνδρῶν.*

illud vero κοιρανεῖν et ἐπιπωλεῖσθαι et ad industrios et ad lentos Achaeos quos excitavit aut laudavit Agamemnon pertinet. atque eadem rerum condicio ac natura invenietur in loco qui est *B* 183—207; is enim constat ex vs. qui sunt 183—187, 188—197, 198—206, 207. non eadem neque vero dissimilis condicio est in hisce locis: *K* 274—296, qui locus constat ex vs. 274—76, 277—82, 283—94, 295—96. *P* 414—423 = 414—419, 420—22, 423. *β* 323—337; is enim compositus est ex vs. 323, 324—330, 331—36, 337. *ν* 235—240, qui locus constat ex vs. 235—37, 238—39, 240 (cf. tamen Kirchhoff. in priore libro p. 93). *φ* 199—205; versus sunt compositi ex vs. 199—202, 203—4, 205 (cf. *Υ* 318, *Φ* 377, *Ψ* 161, *η* 167); denique similis est *φ* 396—404, qui locus continet vs. 396—400, 401—403, 405. in posterioribus enim illis locis non idem homo utramque facit orationem, sed duo: at utraque oratione eadem res tractatur atque agitur. velut *K* 274—76 Ulixes et Diomedes ardeam audiunt, quam dexteram misit Minerva; itaque Ulixes precatur vs. 277—282 deam, ut se et Troianis nocentem et revertentem adiuvet poëtaque narrat haec:

*χαῖρε δὲ τῷ ὄρνιθ' Ὀδυσσεύς, ἥρᾳτο δ' Ἀθήνη ν. 277*

κλῦθί μεν, αἰγιόχοιο Διὸς τέκος, ἦτε μοι αἰεὶ . . .  
usque ad vs. 282. pergitque poëta vs. 283 squ.:

δεύτερος αὖτ' ἤρᾱτο βοῇν ἀγαθὸς Διομήδης·  
κέκλυθι νῦν καὶ ἐμεῖο, Διὸς τέκος Ἀργυτιώνη.... vs. 294.

Ulixis igitur ad orationem nullum addit verbum  
Homerus, quod ad istam pertineat; at confectae Dio-  
medis orationi subiciuntur vs. 295 et 296 haec verba:

ὥς ἔφραν εὐχόμενοι, τῶν δ' ἔκλυε Παλλὰς Ἀθήνη.  
οἷ δ' ἐπεὶ ἠρήσαντο Διὸς κόουρη μεγάλοιο . . .

utriusque igitur et Ulixis et Diomedis orationis sum-  
mam comprehendit poëta: quae orationes quam arte  
inter se cohaereant et apparet ex eo, quod ex eadem  
re profectae in eandem rem spectant et quod Homerus  
ipse preces istorum continuatas coniunctasque esse signi-  
ficavit vs. 278 κλῦθί μεν, αἰγιόχοιο Διὸς τέκος et  
vs. 284 κέκλυθι νῦν καὶ ἐμεῖο, Διὸς τέκος . . . at-  
que verbis quae sunt vs. 283: δεύτερος αὖτ' ἤρᾱτο . . .

Tum nonnulla exempla sunt quibus mos iste quem  
exposui Homeri videtur neglectus esse; at omnia tria  
talía sunt, ut negligentiam illam facile excuses atque  
defendas. Homerus enim interdum facit heroes et verba  
quae alii dixerunt commemorantes (velut *I* 253—258.  
*A* 786—789; tamen quae Ulixes narrat in *Odyss.* inde  
a rhaps. *ι* usque ad rhaps. *μ* huc non spectant) et di-  
vinantes, alios verba quaedam dicturos esse, quae ipsi  
afferunt. velut Agamemnonem narrat poëta *A* 176—181  
haec verba dixisse:

καὶ κέ τις ὦδ' ἐρέει Τρώων ὑπερηγορόντων  
τύμβῳ ἐπιθρώσκων Μενελάου κνδαλίμοιο·

*αἶψ' οὐτως ἐπὶ πᾶσι χόλον τελέσει' Ἀγαμέμνων,*

*ὥς καὶ νῦν ἄλιον στρατὸν ἤγαγεν ἐνθάδ' Ἀχαιῶν . . .*

eademque ratione dicta sunt verba vs. *Z* 459—61, *ζ* 275—284, *φ* 324—28. atque re vera his locis omnibus verba inveniuntur ad praecedentem orationem respicientia. cff. *I* 259. *A* 790. ὥς ἐπέτελλε *A* 182. *Z* 46 ὥς ποτέ τις ἐρέει *ζ* 285. *φ* 329 ὥς ἐρέουσιν. at tribus locis qui sunt *H* 302. *M* 322. *π* 295 verba quae spectare solent ad orationes quae antecedunt omittuntur neque ponuntur: nimirum quia non solum fictae et compositae istae orationes (*H* 301—2. *M* 318—21. *π* 288—294), sed etiam ne divinatae quidem sunt; et Hector enim in *H* rhaps. et Sarpedon in *M* et Ulixes in *π* volunt tantum efficere ut talia verba fiant qualia ipsi afferant; neque tamen narrant ista verba facta esse neque ea coniciunt unquam factum iri, quia utrum quis talia verba dicturus sit necne incertissimum est.

Deinde iubeo prodire duos versus, qui ab Homeri more abhorrent; tales vero sunt, ut eos audeam defendere. rhaps. enim

*π* vs. 337

poëta narrat, praeconem Telemachi reditum nuntiasse hisce versibus:

*κῆρυξ μὲν ῥα μέσῃσι μετὰ δμωῇσιν ἔειπε·*

*Πηνελοπείη δ' εἶπε συβώτης ἄγχι παρασιὰς . . .*

poteram de hoc loco iudicans ad Kirchhoffium provocare, qui prior. libr. p. 273 totum istum locum qui est *π* 322—452 delevit. cf. eiusd. libr. praef. p. XII. n. 18. 19. 22. tamen id ne faciam suadet alter locus qui est *X* 498.



Hecuba enim Astyanacta orbatum miseratur his verbis:

τὸν δὲ καὶ ἀμφιθαλὲς ἐκ δαιτύος ἐστυφέλιξεν 496 vs.  
 χερσὶν πεπληγῶς καὶ ὀνειδείουσιν ἐνίσσων·

‘ἔρρ’ οὕτως· οὐ σός γε πατὴρ μεταδαίνυνται ἡμῖν.’

δακρυνόεις δέ τ’ ἄνεισι πᾶσις ἐς μητέρα χήρην.

etiam hoc loco apparet verba quae solent poni omissa esse. tamen equidem dubito vs. π 337 et X 498 reprehendere. cogito enim, cur Homerus verba ad orationes quae antecedunt respicientia posuerit; quod supra dixi factum esse, ut orationis summa uno verbo comprehenderetur comprehensaue commode cum rebus gestis quas narrat poëta coniungeretur. quod si recte dixi, eas orationes, quae tantam vim non habeant, ut res cohaerentes turbent, non erat opus verbis assuetis comprehendi: itaque cum et π 337 et X 498 oratio utraque unum versum teneat neque longior sit quam ut res quas poëta narrat obscurare possit, nolo duos istos versus vituperare; quamquam Homeri consuetudo non neglegitur vs. Σ 182. 392. Υ 429. Φ 509. Ψ 707. 753. 769. Ω 88, qui versus orationem efficiunt. cf. Lachmanni libri p. 81.

Atque eum etiam versum defendo, qui legitur

χ 200.

Eumaeus enim Melanthium vinctum illudit vs. 195—99; confectis vero Eumaei verbis subiciuntur vs. 200 et 201:

ὥς ὃ μὲν αὖθι λέλειπτο ταθεὶς ὀλοῶν ἐπὶ δεσμῶν·

τῷ δ’ ἐς τεύχεα δύντε, θύρην ἐπιθέντε φαινήν....

nam illud ὥς, quamquam dicendi vim non habet, tamen Eumaei verba notat atque comprehendit; similibusque exemplis duobus confirmatur, vs. A 22 et 92.

De duobus denique versibus pauca dicam, de quibus antea me falso iudicasse intellexi. Arete enim λ 335—41 Phaeaces hortatur, ut Ulixem dimittant donatum; cui Echeneus respondet

vs. λ 342

τοῖσι δὲ καὶ μετέειπε γέρων ἥρως Ἐχένηρος vs. 342  
[ὅς δὲ Φαιήκων ἀνδρῶν προγενέσιερος ἦεν].

ὦ φίλοι, οὐ μὰν ἡμῖν ἀπὸ σκοποῦ οὐδ' ἀπὸ δόξης...

verba igitur ista quae vs. 342 posita sunt, τοῖσι δὲ καὶ μετέειπε, non satis mihi visa sunt Aretae orationem notare atque comprehendere; tamen cogitanti Echeneum statim reginae respondere neque versus alienos interesse inter Aretae et Echenei orationes mihi persuasum est, locum istum sanum esse; quemtribuendum esse eis exemplis puto, quae supra p. 38 contuli: quibus eius qui in colloquio respondet oratio inducitur meris verbis hisce:

τὸν δ' ἀπαμειβόμενος προσέφη . . . .

similibusque. eademque cogitatione usus non tango alterum locum qui est

σ 405.

ibi enim procorum Ulixi iratorum verba sequuntur versus hi:

τοῖσι δὲ καὶ μετέειπ' ἱερὴ ἴς Τηλεμάχοιο·

δαιμόνιοι, μαίνεσθε καὶ οὐκέτι κεύθετε θυμῷ . . . .

utrumque igitur locum sic defendo, ut et Aretae Echeneique et procorum Telemachique verba colloquio rapidius fluente tam arte coniuncta esse dicam, ut prioris orationis summam comprehendendi non sit opus. tertium

denique locum similem non Homerus quidem, qui traditus est, at Lachmanni Homerus restitutus affert qui est

vs. *B* 336.

Lachmannus enim p. 12 squ. contendit mihique persuasit, vs. *B* 278—332 esse delendos; quod si verum est, apparet neque virum illum doctissimum effugit, aut vs. 265—77 aut vs. 333—35 eodem cultro exsecandos esse. atque Lachmannus quidem priori sententiae se favere dixit, neque vero ita, ut eum, qui posteriorem sententiam sequeretur, vituperaret. itaque si posteriore Lachmanni ratione probata vs. 278—332 et 333—35 delebis, hoc modo versus poëtae ut sibi succedant efficies: vs. 265—69 Thersites punitur, vs. 270—77 milites Ulixem laudant Thersitamque vituperant; militumque verba sequitur vs. 336

τοῖσι δὲ καὶ μετέειπε Γερήνιος ἱππόια Νέστωρ·

ὦ πόποι, ἦ δὴ παισὶν εἰκότες ἀγοράσθαι . . .

eadem igitur ratione militum oratio concluditur Nestorisque inducitur qua λ 392 Aretae Echeneique, σ 405 procorum Telemachique oratio.

Jam possum ad ea venire exempla tractanda, de quibus accuratius mihi videtur disputandum esse; sed ante peto, ut mihi liceat ea verba orationes quae antecedunt notantia afferre quae raro aut semel apud Homerum inveniuntur. sunt vero haec:

*A* 22 ἔνθα. *A* 92 καὶ τότε δὴ *B* 207 ὥς ὄγε κοιρανέων. *A* 310 ὥς ὁ γέρων ὦτρυνε. *H* 161 ὥς νείκεσσ' ὁ γέρων *K* 540. οὐπω πᾶν εἶρητο ἔπος (= π 11. 351). *A* 411 εἶος ὁ ταῦθ' ὥρμαινε (= ε 365. 424). *A* 790

ὥς ἐπέτελλε. *M* 277 ὥς τώγε προβοῶντε. *N* 126 ὥς  
 ῥα κελευτιόων. *O* 405 τὸν μὲν ἄρ' ὥς εἰπόντα. *Π* 502  
 ὥς ἄρα μιν εἰπόντα (= *Π* 855. *X* 361. ε 313). *X* 318  
 αὐτὰρ ἐπεὶ τόγ' ἄκουσα (= *Φ* 377. *Ψ* 161. *η* 167.  
*θ* 143. 446. *ν* 159. *ο* 92). *Φ* 64 ὥς ὠρμαινε μένων  
 (= *X* 131). *Φ* 361 φῆ. *γ* 62 ὥς ἄρ' ἔπειτ' ἠρᾶτο.  
*δ* 76 τοῦ δ' ἀγορεύοντος. ε 474 ὥς ἄρα οἱ φρονέοντι  
*λ* 81 νῶι μὲν ὥς ἐπέεσσιν ἀμείβομεθ' (= *λ* 225. 465).  
*μ* 165 ἦτοι ἐγὼ τὰ ἕκαστα λέγων ἐτάροισι πίφασκον.  
*σ* 32 ὥς οἱ μὲν . . . . ὀκρυόωντο. *τ* 203 = *χ* 31 ἔσκε  
 ψεύδεα πολλὰ λέγων. *χ* 200 ὥς.

Sed satis puto me dixisse, ut fundamenta huius  
 quaestionis iacerem; nam trita afferre longum est, quae  
 omnibus pateant. quare nunc singula ita ut supra dixi  
 tractabo. neglectus enim esse mos Homeri aliquot  
 exemplis videtur, de quibus puto me aut ea quae Lach-  
 mannus et Kirchhoffius dixerunt confirmare aut nova  
 quamvis parva sint afferre posse. in rhaps. igitur

*Γ* vs. 191 et vs. 225

Homerica nota non est impressa; nam Priamus cum  
 Helena ei dixerit v. 178, Agamemnonem esse quem sit  
 admiratus vs. 166 squ., inde a vs. 182 beatum prae-  
 dicat ducem Achaeorum; finis verborum quae senex  
 facit est vs. 190: pergit vero poëta

δεύτερον αὖτ' Ὀδυσῆα ἰδὼν ἐρέειν' ὁ γεραίός·

εἴπ' ἄγε μοι καὶ τόνδε, φίλον τέκος, ὅστις ὃδ' ἐστίν.  
 non igitur adduntur verba quae ad senis orationem  
 vs. 182—190 spectent; nam δεύτερον αὖτε pertinet ad  
 Agamemnonem, quem primum admiratus est Priamus  
 vs. 166 squ. tamen nolo hunc locum urgere; nam cum



duae istae Priami orationes uno quasi filo coniungantur atque continuentur vs. 182—190 et vs. 192—198, hunc quidem locum non reprehendo; neque enim quidquam contra eum dicere poteris qui hoc exemplum eis versibus tribuendum esse putet quos supra tractavi. cf. quae p. 39 squ. de vs.  $\Lambda$  232—249 dixi. alter vero locus qui est

vs.  $\Gamma$  235

nihil habet quo defendi possit. confectis enim Antenor's verbis quae sunt a vs. 204 usque ad vs. 224 poëta subicit vs. 225:

*τὸ τρίτον αὖτ' Αἴαντια ἰδὼν ἐρέειν' ὁ γεραίός·*

*τίς τ' ἄρ' ὅδ' ἄλλος Ἀχαιοὺς ἀνὴρ ἧς τε μέγας τε . . .*

hoc igitur in versu nullum verbum respicit ad orationem quae antecedit: neque ea est Priami sed Antenor's. quare fieri non potest, quin hunc locum accussem atque ex illo quaedam ad Lachmanni quaestiones quas instituit de rhaps.  $\Gamma$  p. 14—17 addenda esse putem<sup>1)</sup>.

Venio nunc ad alterum locum tractandum, quem idem Lachmannus iam expedivit: qui est

vs.  $\Xi$  109.

nam confectam Agamemnonis orationem vs. 104—108 sequitur vs. 109

<sup>1)</sup> ceterum Lachmanni causae cur *τειχοσκοπία* sit spuria habenda possunt augeri; unum addo, quod nondum invenio allatum: Helenam certiore facit Iris  $\Gamma$  vs. 121 Alexandrum unum congressurum esse cum Menelao vs. 136; tum Helena turrim ascendit neque vero quidquam huius rei gravissimae Priamo nuntiat. tamen erunt fortasse qui hoc laudi non vitio esse Homero vertendum putent; contra quos nihil dico.

τοῖσι δὲ καὶ μετέειπε βοὴν ἀγαθὸς Διομήδης·  
 ἔγγυς ἀνὴρ — οὐ δὴ θὰ ματεύσομεν — αἶκ' ἐθέ-  
 λητε . . . .

de omnibus vero versibus qui sunt  $\Xi$  27—152 Lachmannus p. 58 ita disputavit, ut mihi quidem persuasum sit, versus istos esse interpositos. cf. tamen quae supra p. 44 de vs.  $\lambda$  342 et vs.  $\sigma$  405 dixi.

Tum eis exemplis quae notam spuriam ferre puto eum locum tribuo vel eos locos si cui placet qui vs.

$\alpha$  360 et  $\varphi$  354

leguntur. Telemachi enim verba quae sunt  $\alpha$  346—59 et  $\varphi$  344—53 sequuntur versus hi:

ἦ μὲν (Penelopa) θαμβήσασα πάλιν οἰκόνδε βεβήκει·  
 παιδὸς γὰρ μῦθον πεπνυμένον ἔνθ' εἰο θυμῷ·

utrumque locum contra Homeri consuetudinem pugnare apparet; itaque gaudeo, de priore versu satis iudicasse Kirchhoffium, qui prior. libr. p. 128 squ. atque praef. p. VIII. n. 1. vs.  $\alpha$  88—444 centonem esse iudicavit; doleo, quod idem vir doctissimus vs.  $\varphi$  354 omisit: quem locum ut expedirem mihi non contigit. tamen iuvat me de Homeri genere dicendi disputantem versus quidam, qui in codd. Vindob. et Venet. quodam invenitur inter vs.  $\varphi$  353 et 54 qui est

ὥς φάτο, ξίγησεν δὲ περίφρων Πηνελόπεια.

nam nullam puto ob aliam causam grammaticus quidam istum versum interposuit quam quia hiare orationem poëtae post vs. 353 intellexit vel sensit. Kirchhoffius igitur p. 104 dixit, se illum versum recepturum fuisse quamquam pauci codices eum traderent nisi post vs.  $\alpha$  360 deesset. atque equidem concedo, istam ob

causam versum illum recte reiectum esse; tamen ve-  
reor, ut recipiendus esset etiamsi idem codd. Vindob.  
et Ven. eundem post vs. α 360 haberent. displiceret  
enim mihi illud *δίγησε* quod cum eis quae Telemachus  
vs. α 346—59 dicit mihi non videretur consentire;  
contra recte positum est idem verbum in vs. Γ 259  
qui est

*ὥς φάτο, δίγησεν δ' ὁ γέρον . . .*

nam Idaeus nuntiaverat Alexandrum unum uno a Me-  
nelao provocatum esse: atque eo minus placeret mihi  
istud *δίγησε*, quod si versum istum reciperes hunc sen-  
sum efficeret: *δίγησεν δὲ Πηνελόπεια, θαμβήσασα  
βεβήκειν*. illud vero *θαμβεῖν* cum quantum absistat  
a verbo quod est *διγεῖν* non sit obscurum, non recte  
puto Homerum priore loco gravius vocabulum, poste-  
riore levius positurum fuisse. sed hoc nihil sane ad  
rem; istud quaeritur, quid de loco altero qui est φ 354  
iudicandum sit. atque equidem puto etiam istam par-  
tem in qua vs. φ 354 est spuriam esse; tamen cum  
certis argumentis illam sententiam neque possim pro-  
bare neque si possem mihi liceret latius vagari, nunc  
quidem locum istum in medio relinquo.

Dicam nunc de loco quodam qui difficillimus mihi  
videtur esse; quinque enim versus inde a vs.

α 475

sunt, quos plerique qui Homeri Odysseam ediderunt  
delendos iudicaverunt esse. nam Ulixem socii monent  
ut reditum paret vs. 472—74 pergitque poëta:

v. 475.

*ὥς ἔφην, ἀντάρ ἔμοι γ' ἐπεπείθετο θυμὸς ἀγήνωρ.*

ὥς τότε μὲν πρόπαν ἡμαρ ἐς ἥλιον καταδύντα  
 ἤμεθα, δαινύμενοι κρέα τ' ἄσπετα καὶ μέθυ ἡδύ·  
 ἥμος δ' ἥελιος κατέδν καὶ ἐπὶ κνέφας ἤλθεν  
 οἷ μὲν κοιμήσαντο κατὰ μέγαρα σκιόεντα.

versus igitur istos 475—79 plerique editores delent, quia neque a scholiast. commemorantur et a cod. Vind. quodam omittantur, Harleianus vero codex eosdem in margine habeat. itaque fit, ut vs. 474 qui concludit sociorum verba:

οἶκον ἐνκτίμενον καὶ σὴν ἐς πατρίδα γαῖαν  
 statim sequatur vs. 480 squ.:

αὐτὰρ ἐγὼ Κίρκης ἐπιβὰς περικαλλέος εὐνῆς  
 γούνων ἐλλιπένευσα, θεὰ δέ μιν ἔκλυεν αὐδῆς.

Kirchhoffius igitur in prior. libr. p. 227 haec verba apponit: vs. 475—79 fehlen in einigen handschriften oder stehen am rande, sind aber nicht zu entbehren. videndum igitur est, quid sit de istis versibus iudicandum. atque primum quidem illud Kirchhoffio concedendum esse apparet, vs. 475—9 omissis hiare orationem, non solum quod Ulixes noctu cum Circe colloquitur cf. v. 541, sed etiam, quod verba quae sociorum verba comprehendant omittuntur. at vereor, ne oratio, etiamsi isti versus retineantur, recto ac sano ordine non procedat. nam vs. 476 verba quae sunt ὥς ἡμεθα δαινύμενοι displicent; antea enim vs. 469 cibum esse paratum poëta non narravit. vs. 475—79 etiam in aliis Odysseae partibus inveniuntur; nam vs. 475 = 406. cf. μ 27. x 466. vs. 476—78 = x 184—86 = ι 556—58 = μ 28—31. adde denique, quod codices vs. 475—9 genuinos esse non valde confirmant: itaque



mihi videor a Kirchhoffio discedere posse atque eis assentiri, qui istos versus deleri iusserunt. tamen quid est de orationis hiatu iudicandum? nam fenestra quanta intersit inter vs. 474 et 480 facile perspicui potest. atque equidem sic puto, grammaticum quendam orationem hiare sensisse sentientemque lacunam vs. 475—9 explere voluisse; oratio vero ipsa ut hiaret is effecit, qui poëtae verba Ulixi tradidit narranda. cf. Kirchhoff Comp. Od. p. 117.

Sed quoniam orationis modus est adhibendus ad res tales quaerendas, redeo ad eos locos qui restant tractandos. versus igitur qui sunt

μ 374 et 389

ab Homeri consuetudine alieni sunt. vs. 371—73 enim Ulixes socios boves Solis mactasse queritur:

*Ζεῦ πάτερ ἦδ' ἄλλοι μάκαρες θεοὶ αἰὲν εἰόντες,  
ἦ με μάλ' εἰς αἶτην κοιμήσατε νηλεῖ ὕπνῳ·  
οἱ δ' ἔταροι μέγα ἔργον ἐμητίσαντο μένοντες.*

sequitur tum nudus vs. 374

*ὦκέα δ' Ἥελίῳ Ὑπερίονι ἄγγελος ἦλθεν*

Sol igitur a Jove petit vs. 377—383, ut socios Ulixis ulciscatur Juppiterque se obsecuturum esse promittit vs. 385—88

*Ἥελι', ἦτοι μὲν σὺ μετ' ἀθανάτοισι φάεινε  
καὶ θνητοῖσι βροτοῖσιν ἐπὶ ζείδωρον ἄρουραν·  
τῶν δέ κ' ἐγὼ τάχα νῆα θοὴν ἀργῇτι κεραυνῷ  
τυτθὰ βαλὼν κεάσαιμι μέσῳ ἐπὶ οἴνοπι πόντῳ.*

Ulixes vero qui has narrat res pergit:

*ταῦτα δ' ἐγὼν ἤκουσα Καλνψοῦς ἠνκόμοιο·*

4\*

ἡ δ' ἔφη Ἑρμείῳ διακτόρου αὐτὴ ἀκοῦσαι<sup>1)</sup>.

et vs. 374 igitur et vs. 389 apparet ab Homeri more

1) vs. 390 dissentire ab eis quae Homerus ipse narrat Aristarchus intellexit; Mercurium enim venisse quidem vs. ε 43 squ. Calypsus domum, at ex vs. ε 88

πάρος γε μὲν οὐκ θαμέξεις

apparere, eum antea Calypso non vidisse: iam vero cum vs. ε 97 squ. Mercurius non narravisset ea, quae Ulixes eum faceret narrantem vs. μ 388 et 389, negari non posse vs. ε 88 squ. abhorrere a vs. μ 390. cf. schol. ε 79. neque Aristarchus vituperatus est a viris doctis: quamquam Nitzschius ad vs. μ 389 Aristarcho non obsequitur neque vero causas affert quibus Aristarchi sententiam refellere possit; Nutzhornius vero ex ipso verbo θαμίζειν vs. ε 88 apparere putat Mercurium saepius Calypso adiisse: videtur igitur is, qui immodeste omnes homines Germanos stringat ne inspexisse quidem schol. Homer. nam quid sit θαμίζειν scholia docent ad vs. ε 88. θ 451. Σ 386. 425. eadem litotete usus est Homerus vs. N 284:

τοῦ δ' ἀγαθοῦ (scil. in insidiis collocati) οὐτ' ἄρ' τρέπεται  
χρῶς οὔτε τι λήν — καρβεῖ: fortis enim vir omnino non timet.  
et x 305.

μῶλον δέ μιν καλέουσι θεοὶ, χαλεπὸν δέ τ' ὀρύσσειν

ἀνδράσι γε θνητοῖσι, θεοὶ δέ τε πάντα δύνανται.

dei enim herbam istam μῶλον nominant; quod ei nomen indiderint homines non dicit Homerus neque re vera dicere potest: nam hominibus herbam illam effodere non solum χαλεπὸν, sed etiam ἀδύνατον est. atque hoc voluisse poetam exprimere quod iam schol. ad h. l. explicat neque vero id quod vult Nitzschius (es ist gefährlich und todtbringend, dieses kraut zu graben) et ex Homeri genere dicendi apparet et ex vs. qui sequitur 306:

ἀνδράσι γε θνητοῖσι· θεοὶ δέ τε πάντα δύνανται.

dei igitur possunt herbam illam effodere, non possunt homines. etiam vulgarem denique sermonem Graecorum litotetis quibusdam formis usum esse schol. ad Σ 386 quod supra attuli commemorat.

abhorrere; desunt enim verba, quae et Ulixis et Jovis orationem notent. at equidem de istis verbis nihil possum novi dicere postquam satis dixit Kirchhoffius in Mus. Rhenan. XV. tom. p. 62 et Comp. Odyss. p. 107 squ. illud vero praeterire nolo, Kirchhoffium idem atque me de tota hac re quam tractavi iudicasse, cum p. 112 Comp. Odyss. scriberet: statt dessen unterbricht er des erzählers bericht mitten auf dessen gang zum schiffe in einer obendrein, wie jeder unbefangene zugeben wird, auch formell höchst abgerissenen weise. cf. eundem, quomodo p. 116 l. l. Homeri verba qualia tradita sunt restituerit.

Restat, ut

vs. τ 413

inspiciamus. Autolyçi enim verbis vs. 406—12 subiectus est vs.

τῶν ἐνεκ' ἧλθ' Ὀδυσσεύς, ἵνα οἱ πόροι ἀγλαὰ δῶρα.  
verbaque quae istam orationem comprehendant desiderantur. neque enim versibus qui sequuntur

τὸν μὲν ἄρ' Αὐτόλυκός τε καὶ νῆεσς Αὐτολίχοιο  
χερσὶν ἡσπάζοντο ἔπεσσί τε μελιχίοισιν.

desiderium expleri apparet. at etiam hunc locum Kirchhoffius mihi expedivit, qui prior. libr. p. 289 vs. qui sunt τ 394—465 eicit atque cur eiecerit hunc locum praef. p. XIII. n. 3. explicat.

Haec habui, quae de dicendi genere Homerique formulis loquendi dicerem; atque ut extremum aliquid habeat commentatio mea, illud puto ex eis quae dixi apparere Homerum non solum certas dicendi rationes usurpare quas nusquam neglegat sed etiam istis poëtae

rationibus in luce positis atque tractatis aliquid ad Homericam quaestionem quae dicitur afferri utile; eis vero quae expediri non possunt talis Homeri tractandi rationis auctoritas neque minuitur neque tollitur, sed unum demonstratur quam difficile sit in genuinas Iliadis Odysseaeque partes inquirere.

---



## SENTENTIAE CONTROVERSAE.

---

- I. Hom. rhaps. *Α* vs. 440—45 delendos esse puto.
  - II. Xenoph. de rep. Ath. c. II. paragr. 12 inter verba quae sunt *οὐδεμία πόλις* et *δύο* est inserendum *οὐδὲ*.
  - III. Plaut. Menaechm. I 2, 24 pro *damnum* quod traditum est lego *dominam*. Brixius *amicam*.
  - IV. Eurip. versus quos affert Hermog. Rhet. III. p. 180 (cf. Dindorf Poët. Scen. Graec. ed. V. fragm. Eurip. n. 922 et 451) contendo transtulisse Ovidium *Metam.* l. IV. vs. 584.
  - V. Eurip. Hecub. inde a vs. 1035 usque ad vs. 1038 ed. Nauck. (1013—16 ed. Kirchhoff. I, 1006—9 ed. Hermann.) poëta rerum narrandarum ordinem neglexit.
  - VI. idem neglegenter posuit Orest. v. 1520 et 21. ed. Nauck. (1528, 29 ed. Kirchhoff. I, 1523—24 ed. Hermann.)
  - VII. Cic. de Fin. l. IV. cap. 20. paragr. 56 pro *aptae habiles* est scribendum *optabiles*.
  - VIII. Cic. de Fin. l. II. c. 6. p. 17 est ponendum *Stoici*; qui . . .
-

## VITA.

---

Carolus Lehmann Wriezenensis natus sum d. XXX. m. Nov. a. h. s. LII patre Guilelmo matre Augusta e gente Ganschowiana. fidem sequor evangelicam. prima litterarum elementa in schola communi patriae edoctus a. h. s. LXIV in scholam quae dicitur realem me contuli, ubi imprimis Oscarrii Jaenickii ante hos sedecim menses suis erepti exemplo et doctrina usus sum. ab eodem Jaenickio postquam rudimenta linguae Graecae per biennium accepi, a. h. s. LXVII gymnasium Berolinense adii, quod usque ad auctumnum a. LXXI frequentavi Hermanno Bonitzio maxime deditus. deinde maturitatis testimonio instructus inter cives universitatis Fridericae Guilaelmae Berolinensis receptus sum, ubi per septies sex menses scholas adii horum virorum illustrissimorum: Bonitzii, Droysenii, Ebelii, Harmsii, Hauptii, Huebneri, Kirchhoffii, Mommsenii, Muellenhoffii, Mullachii, Steinthalii, Vahlenii, Weberi. in seminario philologo Hauptii Huebneri Kirchhoffii Vahlenii doctrina per quinquies sex menses fructus sum. praeterea Bonitzius ad Aristotelicas, Kirchhoffius ad Graecas, Muellenhoffius ad Theodiscas exercitationes aditum mihi benigne permiserunt; quibus viris omnibus debitas hic ago gratias.

---













UNIVERSITY OF ILLINOIS-URBANA  
881H8.YLEH C001  
QUAESTIONES HOMERICAЕ BEROLINI



3 0112 023797431